

Vuk'uzenzele



Produced by Government Communications (GCIS)


English/Setswana

July Edition 2

Stop initiation deaths!




Cont.
Page 2



Life-saving drone takes flight

Page 9



Ndlovu Youth Choir inspires the nation

Page 16



ALSO AVAILABLE ON:



@VukuzenzeleNews



Vuk'uzenzele

Websites: www.gcis.gov.za

www.vukuzenzele.gov.za

E-mail: vukuzenzele@gcis.gov.za

Tel: (+27) 12 473 0353

FREE COPY

FREE COPY NOT FOR SALE

Merero ya Bašwa

Go naya bašwa ba ba senang tiro tsholofelo

SETHEO sa puso se tiro ya sone e leng go lwantshana le dikgwetho tse di lebaneng bašwa se laola manaane a le mantsinyana a maikaelelo a ona e leng go naya bašwa tšhono ya go ikemela.

Silusapho Nyanda

Londiwe Mbatsane, yo e leng mokatisi wa bokgoni mo mokgatlong o o sa direng letseno wa Grassroot Soccer, o feditse sebaka sa dingwaga di feta di le pedi a batlana le tiro pele Setheo sa Naga sa Tlhabololo ya Bašwa (NYDA) se ka mo neela tšhono eno.

Mošwa yono wa dingwaga di le 24 a re mo go mo thuseng go batlana le tiro, NYDA e mo neile tšhono ya gore a kgone go thusana le mme motsadi wa gagwe yo a sa direng.

Mbatsane, morago ga go utlwa mo tsaleng ya gagwe ka ga lenaane la patlelofelo ya tiro la NYDA, o ne a romela ka imeile lekwalo la gagwe la go batla tiro mmogo le lekwalo la

marematlou kwa setheong seno.

Moagi wa kwa Hazyview a re o rometse makwalo a gagwe monongwaga fa o simolola ka kgwedi ya Ferikgong mme kwa bokhutlhomong jwa Tlhakole o ne a setse a tsene mo tirong.

“Kene ka romela lekwalo la me la go batla tiro mmogo le lekwalo la marematlou mme ke ne ke etsaetsega ke nagana gore ga ba kitla ba mpitsa gonne ba ne ba batla motho yo a nang le lekwalo la marematlou mme nna ke ne ke na le makwalo a mangwe gape a dithuto a a kwa godingwana,” o ne a tlhalosa jalo.

One a akaretsa *Diploma ya Human Resources* go tswa kwa *Stanford International College* mmogo le *Diploma ya Business Management* go tswa mo



Jaanong Londiwe Mbatsane o iponetse tiro ka ntlha ya Lenaane la go tsenngwa mo tirong la NYDA.

Tshwane South TVET College, mme ga go le le lengwe fela la ona le le kgonngeng go mo thusa go ka iponela tiro pele NYDA e ka mo neela tšhono eno.

Lenaane leno la patlelofelo ya tiro maikaelelo a lona ke go kopanya bašwa ba go fitlha mo dingwageng di le 35 ba nang le bokgoni mmogo le ba ba senang bona, le ditlamo tse di nang le ditiro.

Lenaane leno gape le thusa bašwa go fitlhelela bokgoni jo bo tlhokegang ka go ba tsenya mo manaaneng a go ba baakanyetsa le go ba katisetsa go tsena mo tirong. Lenaane leno le tobane le go katisa bašwa ba ba senang bokgoni go ba kgontsha go ka tsena mo ditirong.

“Bašwa ba tshwanetse go dirisa ditšhono tse di thagisiwang ke NYDA,” ga rialo Mbatsane.

NYDA e na le manaane a le mmalwa a a ikaeletseng go tsenya batho ba ba batlang ditiro mo ditirong tse di maleba. One a

akaretsa *Pearson Job Seekers Opportunity* mmogo le Lenaane la Bosetšhaba la Tirelo ya Bašwa.

Bašwa ba ba nang le kgatlhegelo ya go tsaya karalo mo go le le lengwe la manaane ano ba ka romela makwalo a bona a go batla tiro kwa go NYDA ka go a romela ka imeile kgotsa ka go itlisetsa ona ka namana kwa dikantorong tsa NYDA.

Setheo seno se tla tsenya dintlha tsa tshedimosetso ka ga motho yo a batlang tiro mo sefalana-tshedimosetsong sa sona pele ga go ba nyalanya le bathapi ba ba batlang bokgoni jo bo riileng jo ba nang le jone. **U**

Ikgolaganye le NYDA ka go ba letsetsa mo mogaleng wa 0800 52 52 52 kgotsa o ka ba romela imeile mo go info@nyda.gov.za.

Go lwantshana le botlhokatiro mo bašweng

Dale Hes

Mokgatlo o o ttileng bašwa, Lulaway, o samagane le go rarabola botlhokatiro mo bašweng, jaaka o setse o nolofaditse ditšhono tsa go iponela ditiro le tsa go tsena mo manaaneng a katisetsotiro mo bašweng ba feta ba le 30 000.

Ka go dirisana mmogo le puso, mekgatlo e e sa direng letseno le setheo sa poraefete, Lulaway e tlhomile ditikwatikwe di feta di le 200 go ralala le diporofense tsotlhe di le robongwe.

Mo Bellville, Porojeke ya Katiso ya Badiri – eo e tlamelwang ke Motsekapa ka matlole – e samagane le lenaane la katiso ya badiri le le diragadiwang mo dingwageng di le tharo go thusa batho bao ba batlang le ditiro go ba baakanyetsa go tsena mo ditirong.

Fa e sale kwa tshimologong

ya ngwaga wa 2011, mokgatlo ono o setse o kwadisitse bašwa ba go feta 516 149 mo sefalana-tshedimosetsong sa batho ba ba batlang le ditiro, se katisitse ba le 5 472 mme sa tsenya ba le 2 968 mo ditirong tsa leruri, tse di farologaneng go tshwana le ditiro tsa tsamaiso, ditiro tsa tirelo ka matsogo, ditiro tsa phemelo, ditiro tsa dithekiso, ditiro tsa bontlenyane mmogo le ditiro tsa ditikwatikwe tsa megala.

Yo mongwe wa moamogeladi-tshiamelo ke Beauty Mnxulu (yo a nang le dingwaga di le 26), yo a nnang kwa lekeišeneng la kwa Khayelitsha. Morago ga dingwaga di le nne a ntse a kgaratlhela go bona tiro, Mnxulu o ne a tsenela lenaane la go baakanyediwa go tsena mo tirong la Lulaway. Ga jaanong o thapilwe jaaka Modiredi yo a thapang mo setlamong sa Fidelity.

“Le fa ke ne ke ya go tsenela katiso ya go baakanyediwa go tsena mo tirong kgato eo ka bo

yona mo go nna e ne e le toro gonne batho ba ba nang ba re ruta ba ne ba dira seno ka lerato le le seng kana ka sepe. Ka ona motsotso oo ke ne ke setse ke ikutlwa gore tiro yona ke tla e bona, mme go ise go ye kae ke fa e setse e le mo diatleng tsa me. Mo tirong ya me ke kopana le batho ba le bantsi ba ba farologaneng letsatsi le letsatsi; batho ba ba santseng ba batlana le tiro, mme ke ikemiseditse go ba thusa gore ba bone ditiro. Ka ntlha ya se ke se antseng mo letseleng la bakatisi ba Lulaway, le nna fela jalo ke dira tiro ya me ka lerato le le seng kana ka sepe e bile gape ke na le lerato la se ke se dirang,” Mnxulu o tlhalositse jalo.

Yo mongwe wa baagi ba kwa Khayelitsha, Zikhona Yeko (yo a nang le dingwaga di le 24) le ene o ne a kgaratlha go ka bona tiro mme morago ga go tsaya karalo mo lenaaneng leno, jaanong o direla CellC jaaka modiredi wa dithekiso.



Lulaway e setse e tsentshitse bašwa ba feta ba le 30 000 mo ditirong le mo mananeong a katisetsotiro go ralala le Aforika Borwa yotlhe.

“Kgaratlho e ke fetileng mo go yona ke karolo ya tswelopele ya me ka gonne e dirile gore ke nonofe,” Yeko a rialo.

Tokololo ya komiti ya meyara ya teropokgolo e e samaganeng

le ditšhono tsa ikonomi, James Vos, o rile lenaane leno ke sesupo sa katlego e e bontshang gore fa re dirasana mmogo jaaka balekane re ka fedisa dikgwetho tsa botlhokatiro. **U**

Bašwa ba ba batlang go ikwadisa le Lulaway ba ka dira phorofaele ya bona mo go <https://www.lulaway.co.za/register/> mme morago ba etele tikwatikwe ya tiro e e gaufi le bona go feleletsa kopo ya bona le go diragatsa ditiro tsa tekanyetso tse di leng teng.